

Allannguutissatut siunnersuut

uunga:

Uunga siunnersuut: Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaata allanngortinneqarneranut, Inuit Innarluutillit illersuisuat pillugu Inatsisartut inatsisaata allanngortinneqarneranut, Utoqqaat illersuisuat pillugu Inatsisartut inatsisaata allanngortinneqarneranut, Isumaginninnermik suliassaqarfimmi pissaanermik atuneq pillugu Inatsisartut inatsisaata allanngortinneqarneranut kiisalu Inuit Pisinnaatitaaffii pillugit Siunnersuisoqatigiit pillugit Inatsisartut inatsisaata allanngortinneqarneranut Inatsisartut inatsisaat
(Illersuisumut kalaallisut taaguutip oqaatsitigut iluarsiiiffiginissaa)

Aappassaanerreqarnissaanut Naalakkersuisunit saqqummiunneqartoq:

§ 1-imut

1. § 1-imi nr. 01-itut ikkunneqassaaq:

” 01. Inatsisartut inatsisaat imatut taaguuserneqassaaq:

” **Meeqqat Oqaaseqartartuat aamma Meeqqat pillugit Siunnersuisoqatigiit pillugit Inatsisartut inatsisaat**”.

2. § 1-imi nr. 1-imut aallaqqaasiut imatut oqaasertalerneqassaaq:

” Meeqqat Oqaaseqartartuat aamma Meeqqat pillugit Siunnersuisoqatigiit pillugit Inatsisartut inatsisaat imatut oqaasertalerneqassaaq.”

3. § 1-imi, nr. 1-imi § 3 imatut oqaasertalerneqassaaq:

” § 3. Naalakkersuisut meeqqat pisinnaatitaaffiinik sullissivimmik pilersitsissapput Meeqqat pillugit Oqaaseqartartumik, Meeqqat pillugit Siunnersuisoqatigiinnik allattoqarfimmillu inuttaqartumik.

Imm. 2. Meeqqat pisinnaatitaaffiinik sullissivik Namminersorlutik Oqartussat ataanni sullissiviuvoq naalakkersuinikkut pituttorsimanngitsoq. Sullissivik Meeqqat pillugit Oqaaseqartartumit aquneqassaaq.”

4. § 1-imi, nr. 1-imi § 8, imm. 1 imatut oqaasertalerneqassaaq:

” Meeqqat pillugit Oqaaseqartartuata Meeqqat pillugit Siunnersuisoqatigiit siunnersuisoralugit meeqqat nalinginnarmik inuttullu pisinnaatitaaffiisa soqutigisaasalu iluaqusernissaat suliarissavai kiisalu inuiaqatigiinni meeqqat atugaat pillugit isiginninniarlunilu paasissutissiisassaaq.”

5. § 1-imi, nr. 1-imi § 8, imm. 4 imatut oqaasertalerneqassaaq:

” *Imm. 4.* Meeqqat pillugit Oqaaseqartartuata sulineranut meeqqat akuliutsinneqassapput aamma § 8, imm. 2, nr. 1-6, tunngavigalugit suliniutit pillugit meeqqat sapinngisaq naapertorlugu tusarniarneqartassapput.”

6. § 1-imi, nr. 1-imi §§ 18-19 imatut oqaasertalerneqassapput:

” **§ 18.** Pisortat ingerlatsineranni suliassat suliarineqartarnerat pillugu Inatsisartut inatsisaat toqqaannartumik Meeqqat pillugit Oqaaseqartartup sulianik suliarinninneranut atuutinngippat, inatsisartut inatsisaanni tunngaviit, taakkununga ilanngullugit ingerlatsineq pillugu inatsiseqartitsinermi tunngaviit inatsisitigut aalajangersarneqarsimanngitsut, taamaaqataanik atuutissapput.

Imm. 2. Meeqqat pillugit Oqaaseqartartup saaffiginnissutit § 11, imm. 2 malillugu Meeqqat pillugit Oqaaseqartartumit tiguneqarsimasut itigartissinnaavai. Meeqqat pillugit Oqaaseqartartup taamatuttaaq suliassat Meeqqat pillugit Oqaaseqartartup suliaralugit ingerlatileruttugai unitsissinnaavai. Meeqqat pillugit Oqaaseqartartup saaffiginnissutinik itigartitsinera sulianillu Meeqqat pillugit Oqaaseqartartup nammineq piumassutsiminik suliarilersimanngisaanik unitsitsinera allakkatigut nalunaarutigineqassaaq tunngavilersorneqarsimassallunilu.

Imm. 3. Meeqqat pillugit Oqaaseqartartup saaffiginnissutinik itigartitsinera sulianillu unitsitsinera Naalakkersuisunut allaffissornikkulluunniit oqartussanut allanut naammagittaalliuutigineqarsinnaanngilaq. Tamanna aamma Meeqqat pillugit Oqaaseqartartup oqaaseqaataanut atuuppoq.

§ 19. Meeqqat pillugit Oqaaseqartartooq, Meeqqat pillugit Siunnersuisoqatigiit allattoqarfilla pisortat ingerlatsineranni sulineranut malittarisassat atuuttut malillugit nipangiussisussaataapput.”

7. § 1-imi, nr. 1-imi §§ 20-21 imatut oqaasertalerneqassapput:

” **§ 20.** Meeqqat pisinnaatitaaffiinik sullissivik nunatta karsianit tapiissutinit aningaasalersorneqarpoq.

Imm. 2. Tamatuma saniatigut Meeqqat pisinnaatitaaffiinik sullissivik sulinerminut atatillugu pisortani oqartussanit allanit imaluunniit kattuffinnit, peqatigiiffinnit, suliffeqarfinnit il.il. namminersortunit aningaasaliiffineqarnissamik qinnuteqarsinnaavoq.

Imm. 3. Meeqqat pisinnaatitaaffiinik sullissivik meeqqat pisinnaatitaaffiinik sullissiviup suliassaatut inatsisitigut aalajangersakkat iluanni sulianik isertitsissutaasunik ingerlatsisinnaavoq.

§ 21. Meeqqat pillugit Siunnersuisoqatigiinnut ilaasortat Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaanni malittarisassat malillugit aningaasarsiaqarput, angalanermi ullormusiaqarput aammalu angalanermi aningaasartuutitut matussusiiffineqassallutik. Aningaasartuutit taakkua nunatta karsiata ukiumoortumik tapiissutaannit akilerneqassapput.”

8. § 1-imi, nr. 1-imi §§ 22-23 imatut oqaasertalerneqassapput:

” § 22. Meeqqat pillugit Oqaaseqartartoq ukiut tamaasa ukiumut aningaasanut inatsiseqarfiusumut tulliuuttumut missingersuutinik Naalakkersuisunut siunnersuuteqartassaaq. Siunnersuut isertitassatut aningaasartuutissatullu naatsorsuutigineqartunut missingiinernik imaqassaaq. Meeqqat pillugit Oqaaseqartartoq peqatigitillugu ukiumut aningaasanut inatsiseqarfiusumut taaneqartumut nunatta karsiata tapiissutaasa annertussusissaannut siunnersuuteqassaaq.

Imm. 2. Ukiumut aningaasanut inatsiseqarfiusumut tullermut missingersuutinut siunnersuutit kiisalu nunatta karsiata tapiissutaasa annertussusissaannut siunnersuutip tunniunneqarnissaannut piffissamik Naalakkersuisut aalajangersaassapput.

§ 23. Meeqqat pisinnaatitaaffiinik sullissiviup ukiuata naatsorsuuteqarfiup ukioq aningaasanut inatsiseqarfiusoq malippaa. Ukiumoortumik naatsorsuutit kukkunersuisumit naalagaaffimmit akuerisamit kukkunersiorneqassapput.”

§ 2-mut

9. § 2-mi nr. 01-itut ikkunneqassaaq:

” 01. Inatsisartut inatsisaat imatut taaguuserneqassaaq:

” **Inuit Innarluutillit Oqaaseqartartuat pillugu Inatsisartut inatsisaat**”.

10. § 2-mi nr. 1-imut aallaqqaasiut imatut oqaasertalerneqassaaq:

” Inuit Innarluutillit Oqaaseqartartuat pillugu Inatsisartut inatsisaat imatut oqaasertalerneqassaaq:”

11. § 2-mi, nr. 1-imi § 2 matumunngalu qulequtaq imatut oqaasertalerneqassapput:

” *Innarluutillit Oqaaseqartartoqarfiat*

§ 2. Innarluutillit Oqaaseqartartoqarfiat tassaavoq Inuit Innarluutillit pillugit Oqaaseqartartoq allattoqarfialu.

Imm. 2. Innarluutillit Oqaaseqartartoqarfiat Namminersorlutik Oqartussat ataanni sullissiviuvoq naalakkersuinikkut pituttorsimanngitsoq. Sullissivik Inuit Innarluutillit pillugit Oqaaseqartartumit aqunneqassaaq.”

12. § 2-mi, nr. 1-imi §§ 13-14 imatut oqaasertalerneqassapput:

” § 13. Pisortat ingerlatsineranni suliassat suliarineqartarnerat pillugu Inatsisartut inatsisaat toqqaannartumik Inuit Innarluutillit pillugit Oqaaseqartartup sulianik suliarinninneranut atuutinngippat, inatsisartut inatsisaanni tunngaviit, taakkununnga ilanngullugit ingerlatsineq pillugu inatsiseqartitsinermi tunngaviit inatsisitigut aalajangersarneqarsimanngitsut, taamaaqataanik atuutissapput.

Imm. 2. Inuit Innarluutillit pillugit Oqaaseqartartup suliassat Innarluutillit pillugit Oqaaseqartartup suliaralugit ingerlatileruttugai unitsissinnaavai. Inuit Innarluutillit pillugit Oqaaseqartartup

saaffiginnissutinik itigartitsinera sulianillu Inuit Innarluutillit pillugit Oqaaseqartartup nammineq piumassutsiminik suliarilersimanngisaanik unitsitsinera allakkatigut nalunaarutigineqassaaq tunngavilersorneqarsimassallunilu.

Imm. 3. Inuit Innarluutillit pillugit Oqaaseqartartup saaffiginnissutinik itigartitsinera sulianillu unitsitsinera Naalakkersuisunut allaffissornikkulluunniit oqartussanut allanut naammagittaalliuutigineqarsinnaanngilaq. Tamanna aamma Innarluutillit pillugit Oqaaseqartartup oqaaseqaataanut atuuppoq.

§ 14. Inuit Innarluutillit pillugit Oqaaseqartartoq allattoqarfillu pisortat ingerlatsineranni sulinermut malittarisassat atuuttut malillugit nipangiussisussaataapput.”

13. § 2-mi, nr. 1-imi § 15 imatut oqaasertalerneqassaaq:

” **§ 15.** Innarluutillit Oqaaseqartartoqarfiat nunatta karsianit tapiissutinit aningaasalersorneqarpoq.

Imm. 2. Tamatuma saniatigut Innarluutillit Oqaaseqartartoqarfiat sulinerminut atatillugu pisortani oqartussanit allanit imaluunniit kattuffinnit, peqatigiiffinnit, suliffeqarfinnit il.il. namminersortunit aningaasaliiffigineqarnissamik qinnuteqarsinnaavoq.

Imm. 3. Innarluutillit Oqaaseqartartoqarfiat suliassat inatsisitigut aalajangersakkat iluanni sulianik isertitsissutaasunik ingerlatsisinnaavoq. Isertitat Innarluutillit Oqaaseqartartoqarfiata suliassaatut inatsisitigut aalajangersarneqarsimasut naammassinninnissaannut ilaassapput.”

14. § 2-mi, nr. 1-imi §§ 16-17 imatut oqaasertalerneqassapput:

” **§ 16.** Inuit Innarluutillit pillugit Oqaaseqartartoq ukiut tamaasa ukiumut aningaasanut inatsiseqarfiusumut tulliuuttumut missingersuutinik Naalakkersuisunut siunnersuuteqartassaaq. Siunnersuut isertitassatut aningaasartuutissatullu naatsorsuutigineqartunut missingiinernik imaqassaaq. Inuit Innarluutillit pillugit Oqaaseqartartoq peqatigitillugu ukiumut aningaasanut inatsiseqarfiusumut taaneqartumut nunatta karsiata tapiissutaasa annertussusissaannut siunnersuuteqassaaq.

Imm. 2. Ukiumut aningaasanut inatsiseqarfiusumut tullermut missingersuutinut siunnersuutit kiisalu nunatta karsiata tapiissutaasa annertussusissaannut siunnersuutip tunniunneqarnissaannut piffissamik Naalakkersuisut aalajangersaassapput.

§ 17. Inuit Innarluutillit pillugu Oqaaseqartartup ukiuata naatsorsuuteqarfiup ukioq aningaasanut inatsiseqarfiusoq malippaa. Ukiumoortumik naatsorsuutit kukkunersiuisumit nunatta karsiata naatsorsuutaanik kukkunersiuisumit kukkunersiorneqassapput.”

§ 3-mut

15. § 3-mi nr. 01-itut ikkunneqassaaq:

” **01.** Inatsisartut inatsisaat imatut taaguuserneqassaaq:

” Utoqqaat Oqaaseqartartuat pillugu Inatsisartut inatsisaat”.”

16. § 3-mi nr. 1-imut aallaqqaasiut imatut oqaasertalerneqassaaq:

” Utoqqaat Oqaaseqartartuat pillugu Inatsisartut inatsisaat imatut oqaasertalerneqassaaq:”

17. § 3-mi, nr. 1-imi § 2 matumunngalu qulequtaq imatut oqaasertalerneqassapput:

” *Utoqqaat Oqaaseqartartoqarfiat*

§ 2. Utoqqaat Oqaaseqartartoqarfiat tassaavoq Utoqqaat pillugit Oqaaseqartartoq allattoqarfialu. Sullissivik Inuit Innarluutillit pillugit Oqaaseqartartumit aquneqassaaq.

Imm. 2. Utoqqaat pillugit Oqaaseqartartoq sulinermini naalakkersuinikkut pituttorsimanngilaq.”

18. § 3-mi, nr. 1-imi §§ 10-11 imatut oqaasertalerneqassapput:

” § 10. Pisortat ingerlatsineranni suliassat suliarineqartarnerat pillugu Inatsisartut inatsisaat toqqaannartumik Utoqqaat pillugit Oqaaseqartartup sulianik suliarinninneranut atuutinngippat, inatsisartut inatsisaanni tunngaviit, ingerlatsinerlu pillugit inatsiseqartitsinermi tunngaviit inatsisitigut aalajangersarneqarsimanngitsut, taamaaqataanik atuutissapput.

Imm. 2. Utoqqaat pillugit Oqaaseqartartup saaffiginnissutit itigartissinnaavai suliassallu Utoqqaat pillugit Oqaaseqartartup suliaralugit ingerlatileruttugai unitsissinnaallugit.

Imm. 3. Utoqqaat pillugit Oqaaseqartartup saaffiginnissutit itigartitsinera sulianillu, Utoqqaat pillugit Oqaaseqartartup nammineq piumassutsiminik suliarilersimanngisaanik, unitsitsinera allakkatigut nalunaarutigineqartassaaq tunngavilersorneqarsimassallunilu.

Imm. 4. Utoqqaat pillugit Oqaaseqartartup saaffiginnissutit itigartitsinera sulianillu unitsitsinera Naalakkersuisunut allaffissornikkulluunniit oqartussanut allanut naammagittaalliuutigineqarsinnaanngilaq. Tamanna aamma Utoqqaat pillugit Oqaaseqartartup oqaaseqaataanut atuuppoq.

§ 11. Utoqqaat pillugit Oqaaseqartartoq allattoqarfillu, takuuk § 9, pisortat ingerlatsineranni sulinermut malittarisassat atuuttut malillugit nipangiussisussaataapput.”

19. § 3-mi, nr. 1-imi § 12 imatut oqaasertalerneqassaaq:

” § 12. Utoqqaat Oqaaseqartartoqarfiat nunatta karsianit tapiissutinit aningaasalersorneqarpoq.

Imm. 2. Utoqqaat pillugit Oqaaseqartartoq sulinerminut atatillugu pisortani oqartussanit allanit imaluunniit kattuffinnit, peqatigiiffinnit, suliffeqarfinnit il.il. namminersortunit aningaasaliiffigineqarnissamik qinnuteqarsinnaavoq.

Imm. 3. Utoqqaat pillugit Oqaaseqartartoq suliassat inatsisit aalajangersakkat iluanni sulianik isertitsissutaasunik ingerlatsisinnaavoq. Isertitat Utoqqaat pillugit Oqaaseqartartup suliassaatut inatsisitigut aalajangersarneqarsimasut naammassinninnissaanut ilaassapput.”

20. § 3-mi, nr. 1-imi §§ 13-14 imatut oqaasertalerneqassapput:

” § **13.** Utoqqaat pillugit Oqaaseqartartoq ukiut tamaasa ukiumut aningaasanut inatsiseqarfiusumut tulliuuttumut missingersuutinik Naalakkersuisunut siunnersuuteqartassaaq. Siunnersuut isertitassatut aningaasartuutissatullu naatsorsuutigineqartunut missingiinernik imaqassaaq. Utoqqaat pillugit Oqaaseqartartoq peqatigitillugu ukiumut aningaasanut inatsiseqarfiusumut taaneqartumut nunatta karsiata tapiissutaasa annertussusissaannut siunnersuuteqassaaq.

Imm. 2. Ukiumut aningaasanut inatsiseqarfiusumut tullermut missingersuutinut siunnersuutit kiisalu nunatta karsiata tapiissutaasa annertussusissaannut siunnersuutip tunniunneqarnissaannut piffissamik Naalakkersuisut aalajangersaassapput.

§ **14.** Utoqqaat pillugit Oqaaseqartartup ukiuata naatsorsuuteqarfiup ukioq aningaasanut inatsiseqarfiusoq malippaa.

Imm. 2. Ukiumoortumik naatsorsuutit kukkunersiuisumit nunatta karsiata naatsorsuutaanik kukkunersiuisumit kukkunersiorneqassapput.”

Allannguutissatut siunnersuummut nassuiaatit

Nassuiaatit nalinginnaasut

Allannguutissatut siunnersuutikkut inatsisissatut siunnersuutip kalaallisuuani oqaatsitigut kukkunerit iluarsineqassapput.

Aammattaaq maannamut kalaallisut qulequttani ukunani ”Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat”, ”Inuit Innarluutillit illersuisuat pillugu Inatsisartut inatsisaat” kiisalu ”Utoqqaat illersuisuat pillugu Inatsisartut inatsisaat” atorneqarsimasuni tamatuminnga aaqiisoqarneranik aalajangersakkanik ilanngussisoqassaaq.

Taamaasilluni kalaallisut taaguut “oqaaseqartartoq” inatsisini qulequttani pineqartuni naapertuuttunngussaaq, soorlu tamanna (ilaatigut) Inatsisartut inatsisaanni pineqartuni atorneqalernissaattut siunnersuutigineqartoq.

Siunnersuummi aalajangersakkanut ataasiakkaanut nassuiaatit

Nr. 1-2-mut

Allannguutissatut siunnersuut oqaaseqartartumut kalaallisut taaguutip eqqortup
Inatsisartut inatsisaanni qulequttami aamma atorneqarnissaanut qulakkeerinnissaaq.

Nr. 3-8-mut

Allannguutissatut siunnersuutikkut inatsisissatut siunnersuutip kalaallisuuani oqaatsitigut
kukkunerit iluarsineqassapput.

Nr. 9-10-mut

Allannguutissatut siunnersuut oqaaseqartartumut kalaallisut taaguutip eqqortup
Inatsisartut inatsisaanni qulequttami aamma atorneqarnissaanut qulakkeerinnissaaq.

Nr. 11-14-imut

Allannguutissatut siunnersuutikkut inatsisissatut siunnersuutip kalaallisuuani oqaatsitigut
kukkunerit iluarsineqassapput.

Nr. 15-16-imut

Allannguutissatut siunnersuut oqaaseqartartumut kalaallisut taaguutip eqqortup
Inatsisartut inatsisaanni qulequttami aamma atorneqarnissaanut qulakkeerinnissaaq.

Nr. 17-20-mut

Allannguutissatut siunnersuutikkut inatsisissatut siunnersuutip kalaallisuuani oqaatsitigut
kukkunerit iluarsineqassapput.